



REPUBLIKA E SHQIPËRISË
ZYRA E ADMINISTRIMIT TË BUXHETIT GJYQËSOR

Nr. Prot.

Tiranë, më _____ 2014

**Për: Ministrinë e Financave
Drejtoria e Përgjithshme e Buxhetit**

Drejtoria e Menaxhimit të Investimeve Publike

Lënda: Realizimi i investimeve për periudhën janar - shtator 2014

Në mbështetje të ligjit nr.185/2013 "Për Buxhetin e Shtetit të vitit 2014", Udhëzimit të Ministrit të Financave nr.2, datë 06.02.2012 "Procedurat standarde të zbatimit të buxhetit" si dhe Udhëzimit Plotësues të Ministrit të Financave nr.3/1 datë 17.01.2014 "Për Zbatimin e Buxhetit të Vitit 2014", po ju raportojmë mbi realizimin e investimeve sipas programeve dhe projekteve të miratuara për Pushtetin Gjyqësor, për periudhën janar - shtator 2014.

1. Programi "Buxheti Gjyqësor"

Fondi i investimeve akorduar nga buxheti i shtetit për këtë program është 115,170 mijë lekë, ndërsa realizimi 52,478 mijë lekë ose 46% .

në mijë/lekë

Projekti	Plan	Fakt	%
1. Ndertim	24,000	0	0%
2. Automjet	6,000	5,997	100%
3. Rikonstruksion	26,800	6,143	23%
4. Pajisje - Mobilje	56,070	40,116	72%
5. Projekt	2,300	222	10%
TOTALI	115,170	52,478	46%

"Ndërtim"

Fondi i akorduar nga buxheti i shtetit në projektin "Ndërtim" për periudhën janar-shtator është 24,000 mijë lekë. Ky fond është detajuar për fillimin e zbatimit të punimeve për ndërtimin e godinës së re të Gjykatës së Apelit Shkodër. Ky projekt është parashikuar të shtrihet në disa vite dhe fondi i miratuar për vitin 2014 është 42.000 mijë lekë. Gjykata ka përfunduar procedurat e prokurimit dhe është në fazën e lidhjes së kontratës.

“Rikonstruksion”

Fondi i akorduar nga buxheti i shtetit në projektin “ Rikonstruksion” për periudhën janar-shtator, është 26,800 mijë lekë dhe realizimi 6,143 mijë lekë ose 23% e buxhetit të detajuar për këtë periudhë. Ky fond është planifikuar të realizohet në 11 gjykata, konkretisht :

- Për Gjykatën e Apelit Durrës, për periudhën janar-shtator është detajuar një fond 3,000 mijë lekë, për rikonstruksionin e pjesshëm të godinës, me qëllim shtimin e ambjenteve të nevojshme të punës për gjyqtarët e shtuar në organikë, si dhe krijimin e një sallë gjyqi shtesë, me një fond total 6.480 mijë lekë. Gjykata ka përfunduar procedurat e prokurimit, vazhdojnë punimet dhe likuidimi sipas situacioneve të punimeve.
- Për Gjykatën e Rrethit Gjyqësor Fier, për periudhën janar-shtator është detajuar një fond 11,500 mijë lekë, për kryerjen e punimeve për krijimin e ambjentit të shërbimit për publikun dhe aksesin për personat me aftësi të kufizuar. Gjykata pasi ka përfunduar procedurat e prokurimit, ka lidhur kontratën me operatorin ekonomik fitues, është duke filluar punimet.
- Për Gjykatën e Apelit Vlorë, është detajuar fondi 200 mijë lekë për kryerjen e punimeve për përshtatjen e ambjenteve dhe krijimin e zyrave për 2 gjyqtarët shtesë në organikë. Ky fond nuk është prokuruar nga gjykata pasi nuk u bë i mundur kalimi i këtyre ambjenteve. Në muajin Tetor është realizuar transferimi i tij për nevoja të tjera të paraqitura nga gjykata.
- Për Gjykatën e Apelit Administrativ Tiranë, për periudhën janar-shtator është detajuar fondi 5,000 në mije lekë, kurse fondi total i miratuar për vitin 2014 është 8,480 mijë lekë. Fillimisht u parashikua rikonstruksion i godinës ekzistuese të gjykatës. Më pas, për shkak të pamjaftueshmërisë së ambjenteve, nga gjykata në bashkëpunim me Ministrinë e Drejtësisë, është bërë e mundur sigurimi i një godine tjetër për tu rikonstruktuar dhe përshtatur për nevoja të gjykatës (godina e ish- Drejtorisë së Konvikteve të Shkollave të Mesme të Tiranës). Me fondet në dispozicion për vitin 2014, do të realizohet hartimi i projektit teknik, për të cilin kanë filluar procedurat e prokurimit. Pjesa tjetër e fondit është transferuar nga Ministria e Financave në muajin Tetor.
- Për Gjykatën e Rrethit Gjyqësor Berat, për periudhën janar-shtator është detajuar një fond në vlerën 1.400 mijë lekë. Ka përfunduar kryerja e disa punimeve përmirësuese, për aq sa lejon infrastruktura ndërtimore e saj, të tilla si: rregullimi i hyrjes kryesore të godinës, riparim i fasadës dhe rrethimi i godinës së gjykatës. Gjykata është në proces likuidimi.
- Për Gjykatën e Rrethit Gjyqësor Dibër, për periudhën janar-shtator është detajuar fondi në vlerën 550 mijë lekë, për të kryer punime në nivel mirëmbajtje për hidroizolim të tarracës së godinës së gjykatës. Procesi i prokurimit i zhvilluar në datën 10 shtator ka dështuar për mos pjesmarje të ofertuesve dhe në këto kushte gjykata do të përsërisë prokurimin për herën e dytë.
- Për Gjykatën e Rrethit Gjyqësor Krujë, është detajuar fondi 450 mijë lekë, për krijimin e aksesit për personat me aftësi të kufizuar. Për shkak të pamundësisë të realizimit të këtij investimi, ky fond është transferuar nga Ministria e Financave në muajin Tetor, për disa nevoja të tjera të paraqitura nga kjo gjykatë.
- Për Gjykatën e Rrethit Gjyqësor Lushnjë është detajuar një fond për të bërë një investim për zgjerimin e arkivës si dhe krijimin e aksesit për personat me aftësi të kufizuar, si dhe përmirësimin e ambjentit të shërbimit për publikun, në vlerë 2.130 mijë lekë. Gjykata ka përfunduar një pjesë të këtij investimi dhe është në proces për finalizimin e tij.

- Për Gjykatën e Rrethit Gjyqësor Pukë, është detajuar fondi 1,640 mijë lekë për pagesën e supervisorit dhe kolaudatorit si dhe për përfundimin e likuidimit të punimeve për rikonstruksionin e plotë të godinës së kësaj gjykate, të shtrirë në dy vite 2012-2013. Ka përfunduar likujdimi i fondit të detajuar për këtë qëllim.
- Për Gjykatën Administrative të Shkallës së Parë Durrës, është detajuar fondi 450 mijë lekë, për përshtatje të ambjenteve të Zyrës Vendore të Përmbarimit Durrës, ku do të vendoset gjykata . Ka përfunduar prokurimi dhe likujdimi i fondit.
- Për Gjykatën Administrative të Shkallës së Parë Vlorë, është detajuar një fond në masën 480 mijë lekë, për përshtatjen e ambjenteve ku është akomoduar gjykata. Gjykata ka përfunduar një pjesë të këtij investimi dhe është në proces për finalizimin e tij.

“Automjet”

Fondi i akorduar nga Buxheti i Shtetit në projektin “Automjet” për periudhën janar-shtator është 6,000 mijë lekë. Fondi u detajua për Gjykatën e Lartë për blerjen e tre autoveturave. Gjykata ka përfunduar procesin e prokurimit dhe likujdimit.

"Paisje Mobilje"

Fondi i akorduar nga buxheti i shtetit për 9/mujorin, është 56,070 mijë lekë dhe realizimi 40,116 mijë lekë ose 72% e buxhetit të detajuar për këtë periudhë. Fondi i realizuar ka të bëjë me likujdimet që kanë kryer gjykatat për prokurimet më vlerë të vogël, për blerje paisje e mobilje. Pjesa tjetër e gjykatave janë në proces.

Për periudhën 9/mujore, situata e investimeve për këtë projekt, sipas grupeve kryesore të pajisjeve, paraqitet si më poshtë:

✚ *“Paisje elektronike”*. Fondi i detajuar është 37,433 mijë lekë ndërsa realizimi 28,147 mijë lekë ose 75%.

a) Kanë përfunduar procedurat e prokurimit dhe janë në proces likujdimi:

- Gjykata e Rrethit Gjyqësor Lezhë me fondin 400 mijë lekë.
- Gjykata Administrative e Shkallës Parë Durrës, me fondin 2,200 mijë lekë.
- Gjykata Administrative e Shkallës Parë Vlorë, me fondin 1.260 mijë lekë.
- Gjykata e Rrethit Gjyqësor Dibër me fondin 240 mijë lekë.

b) Kanë përfunduar procedurat e prokurimit dhe janë duke lidhur kontratën:

- Gjykata e Lartë, me fondin 2,000 mijë lekë
- Gjykata e Rrethit Gjyqësor Laç me fondin 850 mijë lekë.

✚ *Mobilje* . Fondi i detajuar për 9/mujorin është 13,777 mijë lekë kurse realizimi 10,462 mijë lekë ose 76%.

a) Kanë përfunduar procedurat e prokurimit dhe janë në proces likuidimi:

- Gjykata e Apelit Durrës me fondin 150 mijë lekë.
- Gjykata Administrative Shkallës Parë Durrës me fondin 650 mijë lekë.

b) Ka filluar procedurat e prokurimit dhe përgatitjen e dokumentave, Gjykata e Lartë me fondin 630 mijë lekë.

c) Nuk është realizuar prokurimi dhe në muajin Tetor është kryer miratimi i transferimit për nevoja të gjykatave të tjera, të fondeve të detajuara për :

- Gjykata e Apelit Administrativ Tiranë me fondin 770 mijë lekë.
- Gjykata e Rrethit Gjyqësor Sarandë me fondin 100 mijë lekë.

✚ *"Paisje sigurije"*. Fondi i detajuar është 1,390 mijë lekë ndërsa realizimi 1,095 mijë lekë ose 79%. Ky fond u detajua për plotësimin e nevojave për pajisje sigurie për gjykatat. Diferenca e fondit vjen nga procesi i prokurimit.

✚ *"Paisje te tjera"* Fondi i detajuar për 9/mujorin është 3,470 mijë lekë kurse realizimi 411 mijë lekë.

a) Ka përfunduar procedurat e prokurimit dhe ka lidhur lidhur kontratën, Gjykata e Rrethit Gjyqësor Laç me fondin 1,600 mijë lekë (gjenerator).

b) Është duke përsëritur tenderin për herën e dytë, Gjykata e Shkallës Parë për Krimet e Rënda, me fondin 620 mijë lekë.

c) Kanë filluar procedurat dhe përgatitjen e dokumentave:

- Gjykata e Lartë me fondin 570 mijë lekë.
- Gjykata e Apelit për Krimet e Rënda, me fondin 180 mijë lekë.

"Projekt".

✚ Fondi i akorduar nga buxheti i shtetit për këtë zë të investimeve është 2,300 mijë lekë kurse realizimi 222 mijë lekë. Ky buxhet është detajuar për 3 gjykata, konkretisht:

- Për Gjykatën e Apelit Durrës është detajuar fondi 480 mijë lekë për hartimin e projekt-preventivit për rikonstrukcion të pjesshëm të godinës. Gjykata ka përfunduar procedurat e prokurimit dhe likuidimit.
- Për Gjykatën e Rrethit Gjyqësor Tiranë është detajuar fondi 1.340 mijë lekë, për hartimin e projektit për rikonstrukcion të ambjenteve të godinës së KESH –it, kaluar me vendim të Këshillit të Ministrave për gjykatën. Kanë përfunduar procedurat e prokurimit për fazën e

parë, kurse për prokurimin e fazës së dytë, është kryer vleresimi dhe është duke u shpallur fituesi.

- Për Gjykatën e Apelit Administrativ Tiranë, kanë filluar procedurat e prokurimit për hartimin e projektit për rikonstrukcion të godinës së transferuar për këtë gjykatë.

Programi “Planifikim, Menaxhim dhe Administrim”

Fondi i akorduar nga buxheti i shtetit për periudhën janar - shtator është 830 mijë lekë. Ky fond u detajua për plotësimin e nevojave për pajisje elektronike për punonjësit e ZABGJ-së. Ka përfunduar procedura e prokurimit dhe është duke u lidhur kontrata.

DREJTORE

Luljeta LAZE